

Oqaluuserisassanut nassuiaat.

(Inatsisartut Siulittaasuut)

Inatsisartut ataatsimiinnissaannut matumunnga oqaluuserisassat ulloq 11. maj nassiunneqarput.

Inatsisartut ataatsimiinnerat piffissami imaannaanngitsumi matumani sivikitsuinnaallunilu nalinginnaasuussanngilaq.

Inatsisit atuuttut malillugit immikkoortut Upernaakkut Ataatsimiinnermi suliarineqartussat kiisalu inatsisissat aalajangiiffigisassatullu siunnersuutit ataatsimiinnernit siusinnerusuneersut aappassaaneerneqartussaallutillu pingajussaaneerneqartussat kisimik ilanngunneqarput.

Tamatuma saniatigut apeqquteqaat aallaavigalugu oqallisissiat arfineq marluk, partiinit tamanit apeqquteqaat aallaavigalugu oqallisissiaq ataaseq, kiisalu kaammattuutitut aalajangersagassat pingasut ilanngunneqarput.

Kiisalu Siulittaasoqarfik Inatsisartut Naalakkersuillu pillugit inatsimmut allannguutissat siunnersuuteqarpoq.

Oqaluuserisassat siullermeertumik nassiunneqarnermik kingorna ingerlaavartumik allannguuteqartarsimapput. Taakku mailikkut nassiunneqartarput kiisalu nittartakkamut internetimullu ilanngunneqartarlutik, taamaattumillu oqaluuserisassat aammalu oqaluuserisassani immikkoortunut atortussat taakkunani pissarisarineqartuaannarsinnaapput.

Taamaalillunilu oqaluuserisassat akuerineqartutut isigineqarput.

Ilaasortat uku akornanni taasisarnerit pillugit isumaqatigiissuteqartoqarpoq:

Laura Táunâjik Uitsatikiteq, Siumut aamma Aqqaluaq Biilmann Egede, Inuit Ataqtigiit.
Aleqa Hammond, Nunatta Qitornai aamma Stine Egede, Inuit Ataqtigiit.